

եալ որոտմունքն և կայծակքն . բայց մինչ յառաւօտս կայր և լինէր, բայց ոչ նման գիշերոյս : Եւ ի տունս ումանց ելեալ անօրինաց՝ գտանին ծակեալ և ի ծառայիցն և յայլոցն է մարդ ոչ ընչացուցեալ . և ի շօճափաշայի մզկիթի մնարայէն իջեալ, զգլխոյ արճիճն հալելով և ուռուցեալ մինչ ի հիմն ճայթեցուցեալ : Եւ ի մէջ մզկիթին այր մի ընկողմնեալ ի քուն լինելով՝ թագաւորի ծառայ, որ պալթածի կոչիւր, զնա եւս անդ սատակեցուցեալ ի տեղին անշարժ, ընդ որ անկեալն է, սեաւ քթիթ առնելով ի փառս չարին . յորմէ փրկեսցէ զմեզ Քրիստոս Աստուած մեր յամենայն պատուհասից և պատահարաց բարեխօսութեամբ Մօր սրբուհոյն և ամենայն հաճոյացելոցն առ ինքն . ամէն :

Դշխ (25 Յուլի) Պայրամ Տաճկաց :

Ուրբաթ օրս (27 Յուլի) զաւուրածի տղայք Հայոց ընկերակցութեամբ երթան ծովով ի խմել, և ի գալն՝ քանդի և այլ են արբեալք, ի մէջ նաւին երգաւք պարեն և խաղան անառակութեամբ կաքաւելով հանգոյն դատերն Հոգիադայ . և մի կողմ հակեալ նաւին՝ ընկղմեալ ի ծովն եւ նոքա հեղեալ ի ծովն . եւ ոյք գիտացեալ զլողն այնու պրծին, եւ զոմանս երկաթի կարթիւ արք ծովեղերացն հանեն զնոսա խելագարեալ, բայց մինն ի նոցանէ ոչ ապրեալ՝ խեղդեալ ի ջուրս ծովահեղձ լինելով, և զնմին մեռեալ լաշսն հանեն ի ծովէն հայրն և մայրն և տարեալ թաղեցին ի գերեզմաներն : Այս եղև ի խնամոցն Աստուծոյ, վասն զի ամենայն երկիր խոտորեալ յօրինացն Աստուծոյ եւ եւս կանոնի Սուրբ Լուսաւորչին մերոյ, զի հայրմք այժմ ի փառս անօրինացն եւ ցանկամք նոցա և զգնացս նոցին ուսաք ամենեւիմք²⁾ : Վասն զի յետին օր էր այս Պայրամիս Տաճկաց, զի նոքա ի

1) ամենեւիմք .